



QVÆSTIO MEDICA.

QVOD LIBETARIIS DISPUTATIONIBVS

MANE DISCVTIENDA

IN SCHOLIS MEDICORVM,

die Iouis xlv. Decembris.

M. STEPHANO LE GAIGNEVR,

DOCTORE MEDICO, PRÆSIDE

An procreandis maribus florens ætas felicior?

I.

CVM primum homini effingendo natura vacat, jam tum perituri operis conscia, ejus quâ potest perennitati consulit: quò adeò momento coæua humanæ molis principia, hepar, cor et cerebrium adornat, eodem pene vterum et testes, cæteraque consciscendæ immortalitatis instrumenta procudit, cujus nihilo in feminâ seciùs quàm in mare auida, neutrum neutri posthabuit, vel temperamenti dignitate, vel vtilitate partium ad generandum minori, vel prolifici humoris efficientiâ. Vnum est quod eò diligentius videtur intendere, quò maturius ei prouidet destinatâ materie, et ad alterutrum edendum sexum ante paratâ. Nam in comprehenso conceptoque semine, singulari naturæ temperatione statim viget ea vis et ratio, quam animò inter efformandas partes secutò, hominem virili, aut muliebri formâ venit dias sub luminis oras.

II.

SVVM est vnique sexui temperamentum, suæ sunt partes, his quoque sua est vsus tempestiuitas. Sexus solida quædam

res et stabilis aurâ leui, aut vi à testibus spirabili contineri non potest. Item ab vtero quid spirat muliebri corpori salutare aliquando futurum. Sed neque hinc, neque illinc, vir & femina fiunt. Calidior et siccior temperatura cum aptâ corporis conformatione, quâ homo forinsecus generet, virum efficit. Mulier ex humidiori et molliori habitu constat, atque ex earum partium coagmentatione, quibus ali fœtus & comprehendi potest. Hæc autem tanta vtriusque sexus discrimina secundum varias ætates obscurius, luculentius eduntur, vel obsolescunt. Tenellis in maribus vis generandi conticescit diutius, & pudibundæ partes vix extra abdomen prodeuntes lucem fugiunt et operam: grandioribus verò viris laxæ & debiles, inutilia sunt, vel non innoxia virilitatis emeritæ monumenta. Ætate prima exili vtero sat est, dum virginem sexui non defore significet: serior mulieris ætas, vtero decrescente, et continendæ proli jam iniquo, hysterici symptomatis fœcunda, tristes sæpe importat muliebritatis reliquias. Hoc quod superest vitæ spatiò, nondum æquò liberos procreandi jure vtimur. Quando enim primum tenerioris pubis florem venus delibauit innocens? Certè pluribus discincta ante tempus adolescentia ad ægram senectutem, aut immeritam ad mortem meditatio fuit. Ergo illo in genere tum solummodo plurimum licet, cum ætas temperamentum corporis eò euexit, vt cum proprio sexus temperamento conueniat. Tunc enim vigentes naturæ vires ad semen primum et præcipuum procreatricis facultatis opus perficiendum mirabiliter conspirant. Matura autem in virgine pleni jam anni vteri sinum laxauere, atque amplificatis, quæ eò tendunt vijs, nubili feruore diffusus sanguis vnde quaque præsto est, qui susceptum semen alat vberimè, et quamprimum corroboret.

III.

FLORENS ætas verè dici potest, quæ cum summâ caloris & humoris insiti vbertate, insigni virium robore pollet: hæc fere extremâ adolescentiâ, iuuentute extremâ, hinc & inde clauditur; quo tempore calor noster, qui antea alendo augendoque corpori assiduus vacabat, absoluto opere, jam majus quid molitur, & alterius sæculi augurio, quod in vniuerso sanguine purissimum est, secernit posteritati, et ad testes mandat. Hi autem tam in feminâ, quàm in mare condendi seminis principes, nusquam perfectius semen recondunt, quàm inclinatâ adolescentiâ, aut hinc paulò vltterius ætate prouectâ. Tunc enim testes vberimò calore, & geniali, qui solis inest, spiritu turgiduli, atque ad opus aut nondum

aut parum vsitatum integri et valentes, nihil imbelles ad se proli-
ciunt, semenque ex se promunt, parentum vt ætate, sic virtute po-
tens; tunc ad eò ferendæ prolis instinctu suscitati vir mulierque,
quicquid aruo venereo mandauerint, eò generosiores satum da-
turum est, quò vis in vtroque semine virilis maior abundat, & quò
facilius sequior ejus pars, quam etiam juveniles agitant spiritus, ad
alteram concessura est. Vterum eòdem inclinant florentis ætatis
momenta: si quidem vim ejus insitam, & testium supparem vel
æmulam vigor matris acuit, et castigato humore, ad marium pro-
creationem vteri temperaturam tam exigit, vt quamvis ille sinistra
in parte gerat, foetum tamen non effeminaverit: nedum seminis
viriliter vbique se gerentis motus immutet, vt conuersâ generatio-
ne feminam pro mare rependat.

IV.

INTER varias natorum cum parentibus similitudines, sexus
maxima est: hæc tantò cæteris expressior, quantò interioris tem-
peramentum figurâ partium ad agendum aptius. *Ακρὸν γὰρ τοῖς* autumant,
oblatâ re extrinsecus, aut mulieris cogitatione acrius intentâ, ex-
pressam in natis effigiem duci, aut sexum foetui tribui. Vnius na-
turæ est vtrumque præstare: nullo quidem parentum ætatis disci-
mine, prolem oris specie magis similem formare ei, cuius in semine
vis solidarum partium sctrix inualuerit. At vt proles sexu patrem,
vt matrem referat, alia res, quam vno semine nunquam satis accu-
rauerit natura, longè pluribus auxiliis impetrandam; ad alterum
parentem, quod totus sexu accedat foetus, etiamnum alterius, à
quo totus recedit, beneficium est. Scilicet ad sexum plurimum in-
terest, quàm probo vtrinque sanguine, quo temperamento, qua
ætate, quibus etiam cibis vsi parentes prolem vouerint. Ab his enim
in semine omnia, quæ vt valentioris caloris, & subiectum humorem
latè dominantis imperio reguntur, aut contrâ, sicut caloris accisis
viribus seruientis motus omnes præpollenti humori subjiciunt, ita
foetus patris se aut matris sexui addicturus est. Sed omnem in semi-
ne, sicut in reliquo homine, caloris et humoris principatum pro-
mouet aut remittit ætatum vicissitudo.

V.

HINC alia ætas aliâ ætate aptior generandis m̃aribus: impu-
berum aut primitus adolefcentum semen immaturum imbel-
les foetus procreat & femineos, qui matre recenter aut nondum
menstruâ concepti, in vtero macilefcunt, & masculum quid si forte

habeant, vteri angustias exosi ocyūs in lucem erumpunt, incertâ spe, prope certâ matris perniciē. Florentem sequitur ætas matura, et, vt hodie vita est hominum spirituum & caloris pene vacua, paucillum sanguinis, quod illa comparserit fuscipiendæ proli, sæpe frigidius est, atque impar præferuidæ marium indoli. Vterus verò id ætatis, aut multiplici partu effectus, aut nimîâ humiditate circumfluus, viriles feminis imperus obruit, & diuersos procul à mare deflectit. Extremâ ætate anum in vtero habere, monstrum est. Ad propositam filiorum dulcedinem auidum trepidare senem, & insolentius commoueri, γαστρικόταρξιν ἐστίν, & nullam aut raram in prolem eausurum, paternæ imbecillitatis testem, & ἐψυχόταρξιν vitijs inhæsuram. Nam senile semen impurum semper, vel infœcundum eò peruenire non potest, quò vix aspirat melior ætas. Vno verbo, quàm hominum in genere (secus quàm plerisque in animantibus) præstabilius est marium multitudine, et corporis robore feminas vinci, tam abundare ad marium generationem commodis, parentum robore, perfecto semine et menstruo sanguine, vtero propter statas mensium periodos semper nitente, et idcirco ad procreandos mares propenso. Ecce singularis boni, et florentem supra cæteras ætates beantis causæ tam certæ, quàm naturâ conjunctæ.

Ergo procreandis maribus florens ætas felicior.

DOMINI DOCTORES DISPUTAVRI.

M. Philippus Douré.
M. Nicolaus Morin.
M. Carolus Patin.

M. Philippus Chartier.
M. Franciscus Boujournier.
M. Franciscus de la Chambre,
Ord. Reg. Christianiss. Med.

M. Claudius le Vasseur, Pharm. Prof.
M. Dionysius Ionequet.
M. Iacobus Gauois.

Proponebat Lutetiæ PETRVS LEGIER, Parisinus,
A. R. S. H. M. DC. LXII.

PARISIIS,

Apud FRANCISCVM MUGVET, Typographum
Regium, viâ Citharæ, ad insigne trium Regum.

M. DC. LXII.

*est la 1135. 2e J. - sous VII de recuil
in folio.*